

## **2 Timoti**

### **Pâlaŋ Timotiyet zapat meluwaŋ sek zut kapi kumsasaŋaŋ**

Zapat meluwaŋ kapi Pâlaŋ Timoti ŋen ewe kum same sek zut beye. Timotimagen zapat meluwaŋ ŋeŋaŋ kuyeen Pâlaŋ ewe mka katikŋaŋ mebeŋiŋ tati zemgwatnaŋ zet ke kum saye. Âpme zapat meluwaŋ zut kapiyet Pâlaŋ mka katikŋaŋ tati nâmpeme mepme Timotiyaŋ ekmak tati mukulem mpenak kekok nâmti kuye. Ma dampmelaŋge ekŋenaŋ amobotnaŋ Lomayetaŋ ekŋenmagen sisipeŋpeŋ omba mimindasâpm keyet weyaŋ eksese mulup mpeŋ mpeŋ tapmamayelen. Ekŋen dampmelaŋge Epesa talip ekŋengat zapat meluwaŋ Pâlaŋ Timotiyet kuin ke kekokak mme ekŋengalen beme makumti zet zapat meluwaŋ keyet keŋaŋ tazin ke mme ekŋengalen bembeyet nâmti Timoti kumsaye.

**Zet ŋotekŋaŋ temaŋ kapigogaŋ 2 Timoti zapat meluwaŋ keŋaŋ talip:**

1:1-4 Zet yaŋbemti zenzeyelen zet

1:5-14 Pâlaŋ Timotiyet yayaŋ zet mti zeye

1:15-18 Pâlaŋ ikŋaŋgat totatatnaŋgat yaŋaŋ zeye

2 Bimbiŋ zet notnaŋ Timoti ikŋaŋgat esemten zeye

3 Kan delaŋ zenzeyelen zet

4:1-8 Pâlaŋ bimbiŋ zet zemdelaŋ zemti zeye

4:9-22 Notn keŋ mbuteteyelen zetmak zet zemdelaŋ zenze zet

### *Mukukumak zet yanbemzenzeyelen zet*

<sup>1</sup> Kawawaŋaŋ nin mama alakŋaŋ titiyelen zetik mimndamti nin ke ndame Kilais dolakŋaŋ mâbâgalen keyet penaŋ, neŋ Pâl Kawawaŋaŋ ikŋaŋ zemnemti Zisas Kilais egalen mulup an neŋ mamti egalen Zet Zapat Dolakŋaŋ Penaŋ zempalakŋaŋ bembeyelen nâmti nakumtetiye. <sup>2</sup> Timoti nemun dolakŋaŋ, gâgât zapat meluwaŋ kapi kumgayap. Kawawaŋ Bipm ma Amobot-naŋ Zisas Kilais egetmagengatnaŋ keŋ taolet ma aŋgalaŋ gogot ma keŋ sewakŋaŋ geŋmak wemti wembe.

### *Timoti nâmkĩŋpepe omba penaŋ tasaye*

<sup>3</sup> Neŋ Kawawaŋgat sesewatpemi keŋ kwetetepmanen sokŋneyaŋ mbien kegogak mamiyap. Mti neŋ Kawawaŋ mandunduyawen gâgât otnâpeŋ mti neŋ wisikŋ manzeyap. <sup>4</sup> Nit mebe kokot mbelinan geŋ nâgât omba suwanan. Ke otnâmti neŋ ewe gikti oloŋen penaŋ mimiyet nâyap. <sup>5</sup> Mti nâmkĩŋpepe penaŋ tagain keyet kegogak maotnâyap. Nâmkĩŋpepe ke papdi Lois ma mamdi Yunis egetmagen tageyaŋ alak geŋ ewe keyegak kwatimtusumti timanik ke nâmatâgeyap. <sup>6</sup> Keyepm neŋ gâgât nâmti pigok zesowap, neŋ betn ŋokdanen bewanen Kawawaŋaŋ taoletnaŋ mgaye ke wisatpiŋ mbutem mambanik. <sup>7</sup> Geŋ pigok nâwanik, Kawawaŋaŋ Emetak Teŋaŋ nin kiŋgagatgalen ku ndaye. Egaŋ windemak ma gogotmak ma keŋ sekŋ ekdamuŋ mti mamayet ndaye.

<sup>8</sup> Geŋ Amobotnaŋnnaŋgat yaŋaŋ zemkawaŋ besâti sakambuk palen ku mbanik. Neŋ ek-gapmti mka katikŋan matalap keyet zet zesâti kegogak sakambuk ku mbanik. Geŋ Kawawaŋaŋ winde gasâpm keyepmti neŋmak kot tusumti Kawawaŋgalen Zet Zapat Dolakŋaŋ Penanŋat sisipeŋpeŋ palen moti neŋ mayapnok mamambanik. <sup>9</sup> Egaŋ aŋgalaŋndemti yomengatnan ndatimti ndakumtetime amŋane teŋ bewen. Ke nnaŋgat pembedaŋnnaŋgat yek. Iknŋaŋgat pembedaŋgat ma keŋ taoletnaŋgapmti egaŋ keŋ taoletnaŋ mimndemti eweŋan baen kululuŋ ma msat ku sokbeme Zisas Kilaismageset ndasâgât nâme weŋge. <sup>10</sup> Ya alak Kawawaŋgalen keŋ taoletgat penaŋaŋ Zisas Kilaisiyaŋ koti ningat yomgat mti gakiye keyaŋ mkawaŋ bein. Egaŋ gakikiyelen winde mtopemti mdelaŋ zemti Kawawaŋgalen Zet Zapat Dolakŋaŋ Penanŋeset mama kanzizit sosok msokbeye.

<sup>11</sup> Âpme Kawawaŋaŋ neŋ Kilaisiyelen mulup anaŋ mamti Kawawaŋgalen Zet Zapat Dolakŋaŋ Penanŋ zempalakŋaŋ bemti zemkawaŋ bemin-dandayelen ma zemzikat indandayelen ombemneŋge. <sup>12</sup> Kegogapmti neŋ yaŋaŋ keyelen kene sek sindem matiyap yaŋgut neŋ sakambuk ku miyap. Enenogat neŋ nâyap neŋ Kilais nâmkinpewan ma neŋ nâmkatikŋaŋ beyap egaŋ nâgât maman ma mulupm ke betnanen bewan ke egaŋ ekdamuŋ mmetnepeme zemdelan zenze kan bewe. <sup>13</sup> Zet katnaŋ penaŋ kapi geŋ neŋmagengatnaŋ nâmtiwanan keyegak mâti mmobanik. Mti Zisas Kilais nâmkinpemti mama

ma am gogot mimi ke nin Zisas Kilaismagen tusumti manup ningalen zapat. <sup>14</sup> Kawawaŋgalen zet katnaŋ penaŋ ke damuŋ mimiyet zemgeye ke damuŋ mmane tagawe. Emetak Teŋ ek keŋnan mamain egaŋ mukulem mgewe ke mbanik.

<sup>15</sup> Am sambe nâmkîŋpepemak Esia msalengatnaŋ ekŋenaŋ neŋ bamkunnewien. Ma an zut Pigelusmak Elmogenes ekŋengat keŋangatnaŋ egelaŋ kegogak nâgât nâmtikŋaŋ kunnewun keyet zapatn ilak nânik. <sup>16</sup> Neŋ Amobotnaŋaŋ Onesipolas imbi nembraŋane ekŋengat keŋaŋ beme dolakŋaŋ mimindandayet mandunduyap. Egaŋ neŋ mka katikŋan matalap keyet sakambuk mimipiŋ keŋŋ mme oloŋen mambein. <sup>17</sup> Egaŋ Loma kapi mka temanengatnan koti nâgât mulup temaŋ mti sakwep natimat metneti bam naige. <sup>18</sup> Keyepmti neŋ Amobotnaŋaŋ zemdelan zenze kanen kobe keyet egat kembeŋ otnâmpepeyet nâmti mandunduyap. Egaŋ Epesa mka temanen mulup omba penaŋ mimndeye ke giti ilak eknâmbanan.

## 2

### *Bemzenze zet kapi Kilaisiyelen kasa kuku anak mamayelen bemzein*

<sup>1</sup> Âpme nemun Timoti, Zisas Kilaisiyaŋ keŋ taolet mgaye winde kemagen timane kwaopme mambanik. <sup>2</sup> Am sambe ekŋengat zikalinan zet zema geŋ nâwanan. Zet ke an notnaŋ Amobotnaŋgalen mama mimi mâti katikŋaŋ bemti tati mamip. Ekŋen keboŋ indamane ekŋenaŋ ŋep am notnaŋ kegogak zemzikat indam mbep.

<sup>3</sup> Kasa kuku an dolakḡaḡ nukḡaḡ pumti mulup mamipnok geḡ Kilais Zisasiyelen kasa kuku an dolakḡaḡ mamti mulup nukḡaḡ ke pumane delan zewe. <sup>4</sup> An ḡenaḡ kasa kuku an mamain eḡaḡ mulup sambe notnaḡ ke temakwep ku maatam tazin. Eḡalen kasa kuku an ḡeḡaḡaḡ eḡaḡ nâmpeme dolakḡaḡ bembeyet nâmti kasa kuku mulup dolakḡaḡ penaḡ mamin.

<sup>5</sup> An ḡenaḡ silimaimai msât mbe beme eḡaḡ zemâtâtât zet zenzeḡaḡ ke ku gawepuwe beme eḡaḡ penaḡaḡ ku tiwe. <sup>6</sup> An ḡenaḡ meu mulup sek sindem timti mamm beme eḡaḡ mulup keyet keḡanen kwitnaḡ kwitnaḡ masokbein ke ḡeḡaḡ eḡaḡ yaḡbemti matim nin. <sup>7</sup> Zet diḡgoyap kapi giti opemti nâmbanik Amobotnaḡaḡ nânândi mkawaḡ bemgeme geḡ zet kapi nâmâtâbanik.

<sup>8</sup> Zisas Kilais ek Dewitgat sokḡaḡaḡ gakikiengatnan gilik zemwage keyet otnâmbek. Sakam keboḡ Kawawaḡalen Zet Zapat Dolakḡaḡ Penanen tazin ke neḡ manzemkawaḡ beyap. <sup>9</sup> Kawawaḡalen Zet Zapat Dolakḡaḡ Penaḡapmti sindem temaḡ penaḡ matiyap. Mti an bekaḡaḡ mimi an kegok senaḡ bem zamneme mka katikḡaḡ kapi matalap. Yaḡgut Kawawaḡalen zet senaḡ zampeme ku matazin. <sup>10</sup> Neḡ nukḡaḡ sepem igak igak sambe ke Kawawaḡaḡ amḡane indamakum indeye ekḡen keyepmti matiyap. Ekḡenaḡ Kilais Zisas yomengatnaḡ gilik zemindatitiḡaḡ ma ekmagen mama kanzizit tazin busatnaḡaḡmak ke ekḡenaḡ Kawawaḡ ikḡaḡmak tatagalen ke titiyet nâmti mamiyap. <sup>11</sup> Zet kapi penaḡ ke nâmkiḡpene.

Nin ekmak tusuwenn zenup beme nin ekmak gakiwenn bein. Kegok mti ekmak tusumti mamambanup. <sup>12</sup> Giŋgiŋ mmambanup beme ekmak amobotnaŋ keƣogak tabanup ma nin ek iyaŋ pewanup beme egaŋ keƣogak iyaŋ ndewe. <sup>13</sup> Ningalen zemkatik bembennaŋ bakŋaŋ bewe beme egalen zemkatik bembeyaŋ katikŋaŋ matazin. Egaŋ zet zut ku manzein.

*Kawawaŋaŋgalen mulup penaŋ mamip ekŋengat kwilin ikŋaŋgat zikatnan tazin*

<sup>14</sup> Geŋ amdine zet sakwalamti Kawawaŋgat zikatnan golaŋin ti. Ekŋenaŋ zet etaŋ keyet mdândândâ ku mit. Zet mdândândâ keboŋ ke yaŋepiŋ ma am zet keyaŋ maindawalezin. <sup>15</sup> Kawawaŋ gâgât mulup anaŋ dolakŋaŋ nâmgengeyet nâmti mulup windenŋben mti keyet sakambuk ku mbanik. Ma geŋ zet penaŋ esemteŋ mzikat indawanik. <sup>16</sup> Ma geŋ msat palengalen nânâ belakŋaŋ ma zet Kawawaŋ bamkumpepeyelen keboŋgat ku mzikat indawanik. Zet keboŋ keyaŋ amgat keŋin mme teenŋaŋ bemepme Kawawaŋ ku nâmkŋpewep. <sup>17</sup> Zet zikat indandaŋin yuŋguŋguŋaŋmak ke liŋgit temaŋ keboŋ bemti ma palakŋaŋ bemezin. Am ekŋen keboŋ ekŋenmagengatnaŋ an zut ŋen kwilit Imeniusmak Piletus egelaŋ zet keboŋgat ma zemzikat indamelip. <sup>18</sup> An eget keyaŋ zet penaŋ ke katikpenti am ekŋengat zet kilom pigok manzelup, “Nin ilak gakikiengatnan wabenn ya bam gakimti ewe ku wabanup.” Zet keboŋaŋ meti am notnaŋ ekŋengalen nâmkŋpepenin mme mayuŋguin. <sup>19</sup> Kawawaŋaŋ tepum kaliŋaŋ peme

towege ke katiknaŋ bemti tazin. Tepum keyet palen melowaŋ kapigok kumpepeŋaŋ tazin,

“Amobotnaŋaŋ amŋane ikŋaŋgat zapat mamaip ekŋen nâmindein.”

Ma zet ŋen ewe kapigok kumpepeŋaŋ tazin,

“Amobotnaŋgalen kwizapatnaŋ manzemkawaŋ bemmâlip ekŋenaŋ myuŋguŋgu bamkumpeme delaŋ zewe.” (*Aizaya 8:14; 28:16*)

<sup>20</sup> Âpme mka temaŋ ŋengat bati notnaŋ golan ma silwayaŋ weyayaŋaŋ ma notnaŋ tewaŋ ma ampambelaŋ weyayaŋaŋ. Ekŋenmagengatnaŋ notnaŋ mulup dolakŋaŋ sakam ŋen ŋen mimiyelen ma notnaŋ tambu msasa kataŋ mulupmaŋ sasayelen. <sup>21</sup> Keyepmti Timoti, geŋ mama mimindi mgasik sambe katikpemane delaŋ zeme kwetetepmaŋ penaŋ bemti tabanik beme geŋ batikondo mulup dolakŋaŋgalen keboŋ bewanik. Mti kwetetepmaŋ penaŋ bemti ŋep Amobotnaŋaŋ mukulem mgemti mulup dolakŋaŋ sakam ŋen ŋen mimiyelen weyaŋ tabanik. <sup>22</sup> An imbi nembip mamaiwaŋ bekaŋgat keŋin temaŋ keeset mambemaip. Geŋ mama mimi keboŋ kemagen kunzuŋbanik. Kogok mti geŋ naman mama mimi kwetetepmaŋ ke mâti nâmkijpepemak mambanik ma am nodangat keŋdi bembe ma keŋ sewakŋaŋ mama ma am mama mimiŋin kwetetepmaŋ mamip ekŋenmak tusumti Amobotnaŋ masesewatsamti mambep. <sup>23</sup> Mti geŋ am zet katnaŋgat manzemkwelat mamip ekŋenmagen ku matamambanik. Nânik zet keboŋ keyet

penañan mamdândâip. <sup>24</sup> Âpme Amobotnangalen mulup anañ zet mdândâ ku mbe. Egan am sambe notn notn mimindemti an zikat indanda dolakñan mamti am ek peñ peñ mampep ekñenmak keñ sewakñan palen mambe. <sup>25</sup> Am zetnan kulumti mobotnan mamsaip ekñenmagen musuwewet mulup sewak sewak palen mbe. Âpme Kawawañan ekñen kan indawe mene beme nâmyungugunin zemsalañ beme Kawawañan mme yominangatnan keñin gilik zeme Kawawañgalen zet katnan penañ ke nâmkinpewep. <sup>26</sup> Sadañgalen añkapipilañ indomtapme egalen zetnan gawepumti mambien. Yañ keñin teñ peme ke nâmâtâti katikpemti kunzun mebep. Keyet nâmti dundunup.

### 3

*Kululun msat kanen delañ zesât tapmme mama mimi mgasik omba penañ sokbewe*

<sup>1</sup> Geñ kapigok nâmbak kan delañ zenzeyelen kan bududuk tabeme mama mimi nukñan omba penañ msat suluñti tabe. <sup>2</sup> Am ekñen kemagen set kapigok sokbewe: Ekñenan ilinañgat etañ yayañ mbep, mânepgat keñin temañ tabe. Ilinañgat kwizet bujamin mwatonzewep ma ilinañgat sekñin mmobep. Ma Kawawañgat kwelatnan kuwep ma ekñenan mambiwineyelen zet kuluwep. Ekñenan kwileki ñeniyet wisikñ ku zewep ekñenan mama mimi teñ keyet wisat penañ mbep. <sup>3</sup> Ekñenan gogot palen ku mamip keyepm am notnañgat nukñaninmak



indamukulem mimiyele nâmtikña ku mbep. Ma am ekña nolinangalen yomin ku katikpewep. Am ekña nolinangat kwelat zet makuip. Sekñanangalen tikña etañ mangawepup. Ekña zet mdândândâ mbep ma ekña kasa ñenzinzi mbep ma ekña am kilen indomwalet mbep ma mama mimi dolakña keyet ekña ñenzinzi mbep. <sup>4</sup> Ma ekña noline zemindowep ma ekña sakwep ilinangalen ñoktik kilen mamâlip ma ekñen Kawawangat tikña ku manâip ilinangalen sekñanangat etañ oloñen mamip <sup>5</sup> ma ekña, “Nin an nâmkijpepemak,” zeip keyangut keñinan Kawawangalen winde ku tatindain. An ekñen kemak sebemti mamapiñ. <sup>6</sup> Am ekñen zeyap ekña imbi nâmkijpepeñin katikñañpiñ ekñengalen mkaen moti tetimaemaeset ekña ekñengalen zet mâbâgalen zet kelakña mimindemti ekñengalen ñoktik mandamuñ mip. Âpme imbi ekñen keyañ ilinangat yominangat ekme nukña beye. Ekña sekñanangalen tikña mâbien <sup>7</sup> ma ekña an ke ma keyañ kot diindome zelin nâmti nânâmak tabenup zewienangut Kawawangat yañañ penañ ku nâmâtâbien penañ. <sup>8</sup> Eweñan Zanismak Zambilis egelañ Mosesiyet ñenzinzi mti zetnañ mtopewun. Sepem kegogak am ekñen kapiyañ zet penañ mtopewien ma keñin kilom penañ beme Kawawangañ nâmkijpepeñin mimindikme yek beme bamkumindeye. <sup>9</sup> Yañgut ekñengalen zemzikat indanda dâsuki ke temañ penañ ku bewe. Nâmyuñguñguñinangat yañañ sokbeme

am sambeyan yaŋaŋin maekmâtâlip. Eweŋan an zut Zanismak Zambilis egatmagen sokbeme ekbien keboŋ.

*Kawawaŋgalen zet mkatikŋaŋ bemtatagalen*

<sup>10</sup> Kogogapm geŋ zet katnaŋ penaŋ zemzikat gawan keyet ma mama mimin ekbanan ma mulupmnaŋgat yaŋaŋ ma nâmkŋpepennaŋgat yaŋaŋ ma sewakŋan mamann ma gogot miminn ma nukŋaŋen katikŋaŋ bem tatatn ekmâbanan. <sup>11</sup> Ma am ekŋenaŋ sisipeŋpeŋ mname sek sindem palen mamkwaban. Neŋ Antiok, Aikoniam ma Listala mka temanen am ekŋenaŋ sisipeŋpeŋ mname sek sindem omba penaŋ timkwaban ke geŋ nânik. Yaŋgut ku nome gakiwan Amobotnaŋaŋ aŋgalaŋ neme ewe mayap. <sup>12</sup> Âpme am nâmkŋpepe dolakŋaŋmak mama ke mâsât mti Kilais Zisasmagen tusuwep ekŋenmagen sisipeŋpeŋ sokbemindawe. <sup>13</sup> An bekaŋaŋ penaŋ ma an dâsukitoŋ ekŋengat mama mimiŋin bekaŋaŋgatnaŋ bamset bekaŋaŋ penaŋ mambein. Ekŋenaŋ matetim indeme Sadaŋaŋ ekŋen kegogak matetimindein. <sup>14</sup> Yaŋgut geŋ zet zemzikat gamme nâmtimti keyet nâmkŋpemti mamanik ke mkatikŋaŋ bemti tabanik. Ma geŋ nânik gâlen zemzikat gaŋgandine ekŋen an zikat indanda dolakŋaŋ. <sup>15</sup> Geŋ otnâsenik geŋ anemba isikŋaŋ tapmane ekŋenaŋ Kawawaŋgalen zet teŋ ke zemzikat gamme nânâ keyet tiwanan. Ma zet keyaŋ am set ŋep zikat indame Zisas Kilais nâmkŋpemti egalen aŋgalaŋ gogolen mamayelen. <sup>16</sup> Kawawaŋgalen zet meluwaŋen tapmezinen ke Kawawaŋaŋ

iknaŋ zeme aneneyaŋ meluwaŋ mbien. Ma ke dolaknaŋ am zemzikat indandayelen zet penaŋ. Ma amgalen mama mimi bekaŋaŋ manzem musuwetindein. Ma myunŋunŋunjin weyaŋgalen ma keyaŋ am zemzikat indame Kawawaŋgalen set kwetetepmaŋ ke mâbâgalen. <sup>17</sup> Keyepmti an ŋenaŋ Kawawaŋgalen mulup mme nânâ dolaknaŋ timti mulup dolaknaŋ sakam ŋen ŋen ŋep mbe.

## 4

### *Zet zapat penaŋ zemyunŋumti zemzikat indandayelen golaŋ zet*

<sup>1</sup> Zisas Kilais ek koti am gakikiŋaŋ ma alik zemdelan zemindemti Amobotnaŋ tati am sambe indikdamuŋ msâpm keyepmti neŋ Kawawaŋ ma Zisas Kilais egegat zikalidan Kawawaŋgalen Zet Zapat Dolaknaŋ Penaŋ zenzeyelen zemgwatnaŋ mgeye. <sup>2</sup> Kogok ke kan kataŋ kananen ma belakŋanen kogogak mbanik. Mti geŋ sewak sewak paleset mama mimiŋin bekaŋaŋ zikat indamti musuwet indemti aŋkeŋoo mimindewanik. <sup>3</sup> Nânîk, amnaŋ Kawawaŋgalen zet zapat katanŋ penaŋ bankumpemti ilinaŋgalen ŋoktik mâti an zikat indanda sambe ammagen meti zapat alaknaŋ ilin amnaŋ tiknaŋ igagen nânâyelen ke diindondoyelen kan belaknik danŋosâpm. <sup>4</sup> Mti ekŋenaŋ Kawawaŋgalen zet penaŋ ke peme tapme bemzet yaŋaŋ yaŋaŋ keeset wetekuwep. <sup>5</sup> Yaŋgut kwitnaŋ kwitnaŋ notnaŋ sokbewe geŋ katiknaŋ bemti ewe giŋ giŋ palen mbanik ma sek sindem sambe titiyelen weyaŋ tabanik. Mti

am Kawawaŋgalen Zet Zapat Dolakŋaŋ Penan mene mene diindowanik. Geŋ am indamukulem mimiyele mulup gaŋgaŋaŋ ke weyaŋ ekdamuŋ mti Kawawaŋgat mulup mbanik.

<sup>6</sup> Neŋ gakikiyele kan ilak sokŋan penaŋ kozin ma msalen mamann kapi katikpemi mebegalen kan sokŋan bein. Nâlen mama ma gakikin keyaŋ Kawawaŋgat sesewatsasayele sâpe sâpe keboŋ besâpm. <sup>7</sup> Neŋ Kawawaŋgalen muluwen mamban ke sakam kasa kuku windenŋaŋ beŋ keboŋ mambene delaŋ zenzenŋaŋ pataŋ zewan ma nâmkipepen ke atamkatikpewan. <sup>8</sup> Keyepmi pilak teŋ mamayele dopmaŋ Amobotnaŋ An kweteteŋmaŋ zemdelan zenze egaŋ nâgât zapat kululuŋen zilem kwilik weyaŋ bembenaŋ tazin ke zemdelan zenze kanen nawe. Wa ke neŋ kwep yek, am sambe ekŋen ek nâmtikŋaŋ mpemi egalen kokotnaŋgat damuŋ mamaip nsakwep ndawe.

### *Aŋkeŋoo delaŋ zenzenŋaŋ*

<sup>9</sup> Geŋ set ke ma ke aikti neŋmagen sakwep kokogalen otnâwanik. <sup>10</sup> Dimas ek msalen mama mimi keyet nâme tikŋaŋ beme neŋ nemti Tesalonaika mka temanen kunzuŋ mege. Ma Klesen egaŋ Galesia msalen mepme Taitas egaŋ Delmesia msalen mege. <sup>11</sup> Mebâpme pi Lukmak ndak etaŋ talupgapmi geŋ kosâti Makmak aikti kobanik. Eneŋogat egaŋ napmukulem mme mulup ŋep penaŋ mbalup. <sup>12</sup> Âpme neŋ Tikikas ilak zempema Epesa mka teman ke mege. <sup>13</sup> Geŋ kosât mbanigen neŋ Toloas mka temanen tâgâ melakandumak meluwaŋ Kalapas egalen mkaen

bempewan ke timti kobanik. Papia munḡun munḡun mpepenaḡ ma papia sonḡom sekḡanaḡ miminaḡ ke pe ke mkokolak.

<sup>14</sup> Aleksandia an aenaḡ kwitnaḡ kwitnaḡ weyenaḡ an keyaḡ neḡ mka teman ke tapme omba penaḡ yunḡumnange keyepmti bam maneti Amobotnaḡaḡ keyet dopmaḡ mutumsawe.

<sup>15</sup> Zetn zewan kataḡ egaḡ zemtatalat zet omba penaḡ mti windenn mtot peye. Geḡ egat eksemti mamabanik.

<sup>16</sup> Zet mulup ḡenaḡ penaḡ yaḡbemti mban kan keyet an ḡenaḡ zetgat ku napmukulem mneḡe. Nem mekopme nenak taban. Neḡ Kawawaḡaḡ eḡḡengalen yom ke katikpepeyet dundum sawan. <sup>17</sup> Yaḡgut Amobotnaḡ iḡḡaḡ neḡmak tati winde name neḡ Kawawaḡalen Zet Zapat Dolakḡaḡ Penaḡaḡ ḡep zemkawaḡ bema delaḡ zeme am Zuda maḡḡeen ku sokbembenaḡ sambe eḡḡenaḡ ḡep nânâyelen. Kogok mnemti kasa eḡḡenaḡ nome gakiwakmagengat zemti Kawawaḡaḡ iḡḡaḡ mukulem mneḡe. <sup>18</sup> Mti Amobotnaḡaḡ ewe bekaḡaḡ yaḡaḡ yaḡaḡgatnaḡ aḡḡalaḡ nemti kakanemuḡ natetim moti kululuḡen gwaen iḡḡaḡ Amobotnaḡ tapme neḡ kandaḡan mambap. Mamti am nâmḡiḡpepemak sambe nin kwesiḡ kwesiḡ sesewatpemti mamambanup. Ke penaḡ.

<sup>19</sup> Neḡ Pilisila ma apmaḡ Akwila ma Onesipolas egat imbi nembraḡane indamukuyapgat met zemanē nâmbeḡ. <sup>20</sup> Ilastas neḡmak tageyaḡgut alak ek Kolin mka temanen mege. Âpme Tolopimas egulak zawat mme keyepmti Militas mka

temanen ke katikpema tapme neŋ koban. <sup>21</sup> Geŋ mawalam kanaŋ ewe bembepiŋ tapme set ke ma ke aikti kokogalen mulup mbanik. Âpme Yubulus ma Pudens ma Linus ma Kolodia ma am notnne nâmkiiŋpepemak ekŋenaŋ gâgât kogok gamukuip. <sup>22</sup> Amobotnaŋaŋ winde gawe ma egalen keŋ taolelaŋ geŋmak weweyet nâmti dunduyap.

**Kawawangalen Tâtâ Alakŋaŋ**  
**The New Testament in the Nabak Language of Papua**  
**New Guinea**  
**Nupela Testamen long tokples Nabak long Niugini**

copyright © 1988 Wycliffe Bible Translators, Inc.

Language: Nabak

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

---

PDF generated using Haiola and XeLaTeX on 4 Mar 2023 from source files dated 9 Oct 2020

ea68a902-358a-5c72-82de-a583fc4809e7